

岑襄勤公年譜

岑襄勤公年譜卷八

乙酉光緒十一年公五十七歲

正月公在館司關大營 自上年十二月二十八至正月初八日我軍以地雷轟破宣光城垣四處法人死拒缺口城卒不克連日大雨戰於泥淖中精銳多傷時值桂軍失利法人得以全力來援十六日攻左城劉永福部將黃守忠同章營壘失守各軍皆退駐老營 是日奉到電寄初三日

諭旨宣光業已得手著岑毓英嚴飭丁槐唐景崧劉永福等軍指日攻克無稍鬆勁欽此又奉初五日

諭旨前據岑毓英電稱宣光旦夕可拔近日戰事如何未見電奏法

逆如盤踞諒山計必分兵救宣雲軍垂成之功恐將掣動著飭各軍急將該城攻克堵蕩而前以分敵勢一面卽行電聞雲軍餉械張之洞力籌接濟毋任缺乏欽此又奉初六日

諭旨宣光近日何似岑毓英並無電報該督務當力圖攻克以牽敵勢等因欽此 二十三日公弟毓寶募勇到營派統懷遠正副十

營 二十五日馳奏賊援宣光左域不支圍師斂守老營請將首先失營之遊擊黃守忠革職查辦一摺附片奏糧餉軍械艱絀情形又片奏道員岑毓寶募勇到營差遣又片奏唐景崧退紮霑化擬移赴牧馬歸順擇地駐守專摺奏恭謝年終

恩賞附片奏循例密考展緩辦理 是月二十三日派員修繕所部

王文昌等攻克緬旺並收復清水清山兩縣 鮑公超於十二日行抵雲南省城 二月初九日奉到正月二十六日

諭旨岑毓英電稱雲軍糧餉艱難鮑超一軍到開化宜出保樂往防牧馬保樂糧多如桂軍出攻諒山亦可夾擊等語所籌甚妥著岑毓英飛咨鮑超迅由開化東趨保樂力顧牧馬一路使桂軍與宣光城外各軍聲息相通並以截斷援賊應如何相機進兵著岑毓英潘鼎新隨時酌定知會鮑超辦理欽此 是月初七日法人大出臨洮聞我山團社由義庸地營相持一晝夜初八日黎明營官李應珍韋雲青等開壁奮擊縱橫盪決法軍披靡公弟毓寶總兵覃修綱督援軍亦至乘勝會勦逐北數十里計陣斬法酋

七畫至一畫凡數十人白帽紅衣法匪千餘人教匪數千人得軍械圖籍輜重無算 十五日馳奏收復緬旺及清水清山兩縣暨臨洮大勝情形一摺附奏滇軍月餉擬照川粵勇餉發給以免向隅又片奏遵

旨查催鮑超退出保樂力顧牧馬又片奏劉永福招募新勇撥給經費又摺奏道員李鳳書在營積勞瘵故請

敕部從優議卹附片奏南官黃相協陳克良阮茂等首鼠兩端掣獲禁錮又片奏陣斬法首人名探聽未實委員解俘獲圖籍由兩廣督臣衙門繕譯查驗 二十日覃修綢所部新附各營收復廣威府不拔縣暨梅枝關黃岡鶴江各隘 二十七日馳摺奏

收復廣威府不拔縣等處並籌抽出一軍渡河相機攻勦附片
奏劉永福軍餉章程現咨商兩廣督臣議發又摺奏查明滇粵
兩軍圍攻宣光陣亡總兵劉節高等二十七員懇

恩優卹附片奏瘴故都司李崇魁等二十二員請卹又片奏道員唐
敬蔭留營差遣 是月奉電寄

諭旨岑毓英奏各軍在臨洮府等處大獲勝仗該督運籌決策足示
國威卽遵旨如期停戰欽此公猶慮其於條約未定之前挾詐背
盟督飭各路將士加意戒備嚴密扼守 三月初八日奉到二
月二十二日

諭旨法人現來請和於津約外別無要求業經允其所請約定越南

宣光以東三月初一日停戰十一日華兵拔隊撤回二十一日齊
抵廣西邊界宣光以西三月十一日停戰二十一日華兵拔隊撤
回四月二十二日齊抵雲南邊界臺灣定於三月初一日停戰法
國卽開各處封口已由李鴻章分電沿海雲桂各督撫如約遵行
惟條款未定之前仍恐彼族挾詐背盟伺隙猝發不可不嚴加防
範著傳諭沿海各省將軍督撫並雲南廣西督撫及各路統兵大
臣督飭防軍隨時加意探察嚴密整備毋稍疎懈是爲至要欽此
又奉正月二十四日

上諭朕奉

慈禧端佑康頤昭豫莊誠皇太后懿旨三載考績爲國家激揚大興

中外滿漢諸臣有能恪共職守勞勩最著者九宜特加甄敘以示
優眷茲當京察屆期吏部開單題請詳加披閱雲貴總督岑毓英
果勇性成不避艱險著開復降二級留任處分等因欽此 十三
日馳摺奏遵

旨停戰撤師並陳明劉永福及越南隨征官民宜籌安置三猛刁文
持父子情殷內附所轄州縣地名另單開呈專摺奏京察開復
降留處分叩謝

天恩又代奏新投貴州古州鎮總兵丁槐叩謝

天恩又片奏請暫開米捐一年停止又片奏瘴故守備徐思廉等十
三員請卹又片奏陣亡遊擊楊開曙等十七員請卹又片奏進

呈越人開呈由緬旺至順化路程清單又片奏調派鹽法道鍾
念祖來營會同營務道員湯聘珍核算餉械委雲南府知府鄧
華熙兼護鹽法道篆又片奏遊擊熊遇周請免騎射 二十日
奉到初六日

張之洞電奏擬令劉永福屯紮思欽一帶等語所籌尙是著該
督與岑毓英商辦等因欽此 公飭滇軍先後撤營入紮關內飭
劉永福粵軍暫紮越邊公亦定於二十七日率親軍起程入關
二十六日馳奏撤師起程日期一摺附片奏張之洞派員航
海來越各會停戰仍令委員同粵銷差又片奏霆軍似可遣撤
回川 二十七日公自館司關起程 四月初一日公行抵太

盤州 十八日馳奏行抵文盤州布置關外要隘以資鎮衛一摺
附片奏遵

旨將越南叛臣黃相協等正法又片奏陣亡寸備武上林等七員請
卹又片奏肅清遊擊倪連升等三十一員請卹又會同張公之
洞張公凱請奏查明宣光歸逃出人員開單請獎一摺附奏
保獎唐景崧單修綱湯聘珍三片又片奏藩司剛毅籌餉勞
請獎又片奏已革雲南巡撫唐炯懇

恩貸其一死又摺奏遵

旨獎賞各營出力兵勇叩謝

天恩附片奏調撥雲軍糧餉暫資接濟 二十日公至保勝小住旋

印入關 五月初二日公至蒙自縣駐城中行館 初六日奉
到四月二十二日

諭旨雲省各營除已撤回滇境外其留關外者著迅速一律撤回邊
界勿逾定期該督應卽在彼調度一切不准意存推諉違行回省
總超一軍仍著駐紮馬白關內聽候諭旨岑毓英所請飭派熟習
洋務人員赴滇之處俟詳約定後再行辦理將來分界通商事宜
係地方大吏專責該督務當先事豫籌不得以此次未預和議託
詞不諳洋務輒思置身事外等因欽此 檄飭粵勇各營一律移
紮關內 初十日馳奏行抵雲南邊界日期及在防調度並撤
回關外各營一摺附片奏委道員湯聘珍署糧儲道岑榮寶

席珍會辦營務又片奏委吳永安署昭通鎮總兵覃修綱署
興寧總兵又片奏准以副將蘇成林等二十六員請卹 十三
日劉永福率所部眷屬遷入滇界南溪二十四日起程赴粵
六月初三日奉到五月十二日

諭旨雲南關外各軍及劉永福一軍於何日撤進關內卽普迅速電
奏所請歷次電諭七道著再鈔給閱看等因欽此 初八日隨奏
雲南關外各軍及劉永福所部一律撤竣啟程抵界日期一摺
附片奏文報遲滯應請添設雲南電線又片奏陣擒法兵立即
斬決並無因繫又片奏鹽法道鍾念祖銷差同任 十八日奉
到五月二十六日

兩省現在中法詳約已定法兵業經退出基隆雲南廣西關外均已
撤兵所有鮑超一軍自應迅速遣撤以節餉需著該提督督飭將
弁將各營所領槍礮器械一律呈繳點驗造冊就近移交崇德英
收存該軍所需餉銀卽著丁寶楨趕速撥解應用未解到以前著
岑毓英先行墊撥再由四川歸款等因欽此 是日公子春霖春
蔭至蒙自省視察其返桂林鄉試 是時滇餉支絀公勉於
粵東解到協餉二十萬內劃撥雲軍十萬兩咨會先行撤師一
半而張公之謂亦疏言鮑軍久候虛糜不如迎餉回川

朝命丁公寶楨接餉迎交霆軍遂陸續撤行 滇軍撤入關內共三
萬餘人公念餉絀加意裁併資遣病者汰遣弱者共裁一萬四

千餘人留一萬六千餘人分布邊防 二十八日准部咨欽奉
上諭岑毓英奏已革雲南巡撫唐炯前官四川辦事認真操守廉潔
此次身罹重辟可否貸其一死等語唐炯失誤軍機罪由自取刑
賞大權操之自上豈臣下所得竢請岑毓英代爲乞恩實屬冒昧
著交部嚴加議處欽此經部議革職留任奏奉

上諭岑毓英應得革職留任處分著加恩改爲降二級留任欽此

七月初二日馳奏滇邊主客各軍現擬酌量裁撤一摺附片奏
總兵何雄輝留統防邊粵勇又片奏陣亡遊擊劉泰清請卹又
片奏探報越國嗣王遷都拒法情形又片奏瘴故記名提督李
運祥等一百一十二員請卹又片奏瘴故同知劉汝璆請卹專

奏謝

天恩降級留任 二十三日奉到

穆宗毅皇帝聖訓一部 二十四日奉到初一日

諭旨岑毓英奏雲南文報由蒙自至廣西南甯驛遞遲滯請飭籌設
電線等語滇省程站遙遠文報稽遲嗣後邊防商務均關緊要自
應妥設電線以期迅速著照該督所請由廣西南甯接設電線直
達雲南其應如何擇地安線之處並著李鴻章會商岑毓英李秉
衡派員前往查勘妥爲籌畫奏明辦理等因欽此 二十六日奉
到初五日

上南鎮南馬白二關爲滇桂入越邊要處所現當和議甫成越南遊

匪爲患關內亦多伏莽此後分界通商中外人民往來尤夥必須
大校重兵添紮要隘以輯奸宄而靖人心著岑毓英張之洞張凱
勛李秉衡悉心會商將如何添設提鎮專官確覈兵勇營數或留
現在得力勝兵以充新額汰腹地無用常卒以省空糧何處總紮
何處分防一切通盤籌畫繪圖貼說緩悉覆陳候旨定奪其新設
各營尤須選練精實能戰能守一兵得一兵之用勿以疲弱應法
之兵濫竽充額用副朝廷慎固邊防消弭隱患之至意欽此 是
日具摺奏霆軍先撤十營餘亦陸續開拔沿途迎餉同川遣散
又摺奏迪南道沈壽榕在軍營立功後積勞病故請

勅卹從優議卹專摺奏叩謝

恩賞附片奏騰越鎮總兵張松林調赴防營員缺以朱洪章調署又
片奏臣署日行公事委署藩司史念祖代行代拆又片奏瘴故
知府張奎斗等十員請卹 二十八日提督劉永福所部一律
起程出滇 八月初一日具奏覆陳滇省勇營並無空額局卡
勢難裁減陋規經費無可提解一摺附片奏瘴故叅將陳定國
等七員請卹 鮑公超霆軍於初三日撤盡軍械移交廣南府
庫存備提用 十一日奉到七月二十日

上諭總理各國事務衙門奏請派大員勘定滇粵邊界一摺據稱現
接法國使臣巴特納照會近接外務部電咨已派浦理燮等六員
勘定邊界於中歷十月初三日即可行抵河內等語越南北圻與

兩廣雲南三省毗連其間山林川澤華離交錯未易分明此次既與法國勘定中越邊界中外之限卽自此而分凡我舊疆固應剖析詳明卽約內所云現在之界稍有改正亦不得略涉遷就本日已降旨派周德潤前往雲南鄧承修前往廣西會同各該督撫辦理勘界事宜卽著岑毓英等各委明幹之員帶同熟習輿地之人周歷邊境詳加履勘繪具圖說以備考證一俟法國勘界大臣到後卽由周德潤鄧承修與岑毓英李秉衡會同勘定該大臣等務當詳細審慎按照條約持平辦理是爲至要欽此 二十日奉到五月十五日

上諭岑毓英奏查明宜光臨洮獲勝出力人員分別請獎開單呈覽

一摺上年十一月初五日本年二月間岑毓英督飭官軍先後在
宣光臨洮等處大獲勝仗主事唐景崧提督劉永福總兵何秀林
丁槐覃修綱等督隊進剿甚爲得手岑毓英調度有方懋著勞勩
著加賞一雲騎尉世職並交部從優議敘在事出力員弁均屬著
有微勞自應量予獎敘欽奉

肅端佑康頤昭豫莊誠皇太后懿旨所有雲南官軍及唐景崧劉
永福等所部各軍尤爲出力兵勇著共賞給內帑銀一萬兩由岑
毓英分別發給以示鼓勵等因欽此 二十四日具摺奏鮑超拔
隊回川劉永福拔隊赴粵起程日期附片奏瘴故遊擊童金川
等三十三員請卹又摺奏續查陣亡瘴故員弁開單請卹又摺

奏查關已革道員劉鳳苞被叅實情專摺奏謝

天恩加賞一雲騎尉世職並獎賞各員弁兵勇 二十七日接總兵
單修綢轉呈越南使臣禮部尙書阮光碧遞呈越南國王嗣子
阮福明書函懇請代奏

錫封 九月初二日具摺奏越南國王嗣子阮福明遣使遞書求代

奏請

錫封頒印謹鈔呈原書請

旨定奪附片奏請飭總署開導法人遷越北圻以存越祀而利商務
又會奏遵籌布防邊隘酌移鎮將添移文武員弁以資分任稍
聞貼說覆陳一摺附奏普洱鎮總兵何秀林臨元鎮總兵鄧榮

陞擬請對調一片又附奏大賄咒河內都竜新街原係漢地將來勘界似應劃回仍以大賄咒河爲界又附奏委道員岑毓寶先行履勘沿邊地界又片奏委降調道員唐啟蔭辦理蒙自糧臺 是月公子春澤中式廣西鄉試舉人 十月初二日具奏查明保獎宣光出力文員分晰各項勞績覆陳一摺附片奏遊擊韓亮叅將劉映華保案錯謄懇請更正二片又附奏瘴故知縣黎熙垣等十三員請卹又附奏保獎道員陳席珍又摺奏查明部駁保案出力各員開單仍懇核獎 初九日奉到九月十八日

諭旨昨據曾紀澤電稱英久占南緬今圖其北本日復據李鴻章電

奏印度出示招人運軍往緬各等語緬甸爲朝貢之邦與雲南接壤英人圖其北鄙不獨屬國受患尤慮逼近吾圉不可不豫籌布置爲未雨綢繆之計著岑毓英張凱嵩派委妥員不動聲色密探英緬近日詳細情形趕緊馳奏一而相機籌措固我邊陲勿得稍涉張皇至滇省與緬甸交界各要隘係何地名里數若干暨凡募究竟坐落何處是否卽係新街並著該督撫先行確查奏聞隨卽詳晰繪圖貼說呈覽將此由六百里密諭知之欽此 十三日會摺馳奏覆陳挑裁勇營並籌議改勇爲兵謹擬章程十四條請旨辦理附片奏派員赴緬密探情形並西路擬設臺站以速文報又片奏展緩查閱營伍又片奏擬卽赴開化俟周德潤到時會勘

邊界又片奏遵辦川滇安接電線 二十三日奉到初二日

前旨中越勘界事宜前經諭令周德潤鄧承修會同各該督撫詳細勘定此事關係重大必應慎之於始各處所繪地圖詳略不一法便所攜難保不互有異同目前分界自應以會典及通志所載圖說爲主仍須履勘地勢詳加斟酌若於兩界之間留出隙地作爲既脫以免爭端最屬相宜周德潤鄧承修親自履勘該處地形雖然在目自可相機辦理岑毓英李秉衡就近面商務臻妥善張之洞張凱嵩倪文蔚身任地方如有所見亦當詳告以資商榷聞法國所派巴呂人順和平如能孚以誠信辦事或可順手並著周德潤等隨時加意聯絡以期於事有益等因欽此 十一月初三日

奉到十月十一日

諭旨茲據總理各國事務衙門呈遞許景澄信函所陳寬留甌脫以杜後來爭衅等語與前次諭飭辦法正相脗合目前與法使會議分界事宜必應博採衆說以資辯論岑毓英前奏擬請開導法使令其退還北圻數省於河內海陽地方通商等語周德潤即承修等與法使晤談時不妨姑持此論以爲抵制總之分界一事有關大局周德潤等務當詳度地勢設法辯難多爭一分即多得一分之利益切勿輕率從事等因欽此 初十日會同周公德潤張公凱嵩馳奏商辦滇邊界務情形一摺附片奏近來辦理礦務情形又片奏委道員湯聘珍經理軍需報銷 二十六日馳摺奏

英緬兵爭現籌布置邊防並派總兵丁槐帶兵二千馳往騰越扼守附片奏周德潤於二十六日出勘馬白關派道員岑毓寶隨往踏勘又代奏普洱鎮總兵何秀林叩謝

大恩並陳明駐防邊營暫緩

陛見又片奏委楊景修丁彥勸辦迤西各屬米捐又片奏委道員翁壽錢會辦軍需報銷又片奏瘴故副將謝敬彪等十員請卹是月公子春澤春冀孫德固至開化省視春澤旋計偕北上德固留借春蔭在行署讀書 十二月十八日接探報十月二十二日英人襲踞緬都二十四日執緬王暨眷屬大臣下鄉謁王漾貢 二十一日馳摺奏英踞緬都滇省西防喫重請添兵

懇請

勅催協撥附片奏挑補十成戰兵外仍留粵勇六千助防又代奏新授四川川北鎮總兵覃修綱叩謝

天恩

是月公子春奠旋省署綜理家事 前太常卿臨桂周瑞清

與公交厚周獲謚戍黑龍江值本年

恩詔賜環應發原籍改掾公憫其母老助三千金贖鍰得以終養後豫災籌賑廢籍助輸者許開復銜翎周集貲甚艱公復助二千金贊成之俾博親歡

岑襄勤公年譜卷九

丙光緒十二年公五十八歲

正月公在開化 初六日馳奏覆陳滇緬邊務情
防譚呈英人賁投文書一摺附片奏副將袁善抗令作亂業經
正法 同日會同周公德潤奏遵

旨查明法人改立越關並接據越臣阮廷潤等稟函乞請代奏一摺
附片奏隨同辦理雲越勘界事宜新投臺灣道唐景崧已抵開
化 二十五日准部咨奉

旨雲貴總督岑毓英交部從優議敘遵議照一等軍功從優議敘例
給予軍功加三級光緒十一年十二月十六日具奏奉

旨依議欽此 二月初一日會同巡撫馳奏接據邊報緬甸竄擾文
書內稱備貢求援各情照譯繕單一摺附片奏探聞法人至龍
魯地方法使尙無來信又片奏安平同知衙署應仍移建馬白
關又片奏瘴故遊擊張德明等十五員請卹又片奏委署迤西
道吳其楨赴騰越會辦邊防又片奏委在籍刑部員外郎吳世
欽辦理永昌郡團練專摺奏叩謝年終

恩賞

十九日馳摺奏滇省待餉迫切請催減成舊餉按數起解變
通挹注附片奏法使尙未到邊勘界又片奏委楊國發署鶴麗
鎮總兵又片奏勘界隨員巡檢杜厚培瘴故請卹會摺奏遵
旨添移文武各員防守關隘請改頒關防附片奏移建衙署公款不

足勸捐辦理又片奏酌增開臨兩鎮官弁年支養廉又片奏開復道員唐啟蔭等請免繳捐復銀兩 二十二日奉到十二日電寄

諭旨岑毓英冬電已悉曾紀澤前奏潞江本係伊拉瓦底江之誤入募新街傍伊江岸至潞江確在騰越之東總理各國事務衙門備查國圖與該督所奏相同早經電知曾紀澤更正矣英因外部換人前所允又有翻覆已飭曾紀澤堅持存緬祀之議與之力爭俟有成說再行諭知欽此 二十四日新授雲南藩司龐際雲迂道至開化見公 三月初一日馳奏法人已抵保勝邊境安堵一摺又奏參知府朱鴻知縣席葆真馬恩榮分別勒休革職附片

奏副將李文秀私逃出邊現飭拏辦又片奏飭藩司龐際雲赴省接印二十八日會同馳奏騰越防務布置周密並聯絡土司駐守情形一摺附片奏請飭總署知會法國公使不許保勝法兵越界生事附片奏英教士施題鳳欲由騰赴緬暫經阻止此後外人出入邊防應請申禁又片奏據報李文秀爲緬境野夷傷斃又片奏總兵張松林統帶古林等各處防營又片奏瘴故副將林紹喜等二十員請卹又奏查明克復廣威不拔府縣城壘前敵後路出力人員開單請獎一摺又片奏保何秀林請賞頭品頂戴覃修綱丁槐湯聘珍請

賞尋黃馬褂並陳明岑毓英係臣胞弟未敢請獎又片奏撫臣張凱

高督同司道史念祖熊昭鏡鍾念祖崇善陳廷珍吳其楨翁壽
鏡等盡心籌濟餉械撫臣應得優敘出自

天恩史念祖等懇給獎敘 嗣奉

旨照所請給獎公弟毓寶亦

賞穿黃馬褂 四月初一日法人投書並送琴酒各物乞護往來商

旅據約照復存其物於開化府庫答以茶葉蔗糖 十三日駁
奏法人投書函物乞爲招護往來客商當經據約答復一摺附
片奏騰越鎮總兵張松林古州鎮總兵丁槐暫請對調以裨防
務又片奏探聞緬甸軍情專摺奏叩謝

天恩優敘又摺奏揀員請補參將都守各缺又摺奏揀員請補新設

邊防武職各缺 二十二日具摺奏參束兵不嚴之參將楊玉
春遊擊劉映華暫行革職飭交出滋事弁兵審辦附片奏 臣署
日行公事委藩司龐際雲代行代拆又片奏法國勘界使臣狄
隆五月初旬可抵保勝 五月初四日馳奏竊何土司投遞稟
前懇請發兵救援鈔呈稟函一摺附片奏英教士施題鳳執意
出關騰防派兵送至緬界又片奏騰防添用土練酌加口糧又
摺奏對調迴避遊擊都守等缺附片奏參將馬柱等暫留滇缺
辦防又片奏瘴故遊擊張鵬翼等十三員請卹 六月初四日
具摺奏揀員請補參將守備員缺附片奏開臨兩鎮先行招補
五成戰兵以實營伍又片奏北洋派來洋礮教習汪茂林瘴故

請卹又馳奏探報緬甸英兵失利停戰關外土司懇請內附一
摺附片奏開復武員張顯福等請免交捐復銀兩又片奏參將
木逢春戰功卓著請仍以副將補用並

賞給喀勒春巴圖魯名號又片奏

臣

痼疾未愈勘界事重仍當力疾

同辦 初九日公偕周公德潤自開化起程十三日至南溪公
疾劇留駐醫調周公率隨員等於十五日進駐河口法使狄隆
狄塞爾達魯倪思海士等來會連日反覆辯論函牘往返議定
開勘節略八條 二十四日奉到五月二十九日

諭旨岑毓英奏緬甸土司投遞稟函懇請發兵救援並鈔錄稟函呈
覽一摺緬甸爲中國藩服前既私與英人通商被其占據土地歷

有年所上年與英構衅聞已徧行照會各國並不陳奏告急且值
例應進貢之年亦未按期納貢實屬自外生成朝廷軫念藩邦迭
經諭令會紀澤與英辯論尙無成說卽如另立緬王管教不管政
一節英國亦未允從仍俟將來如何議定再降諭旨斷不能僅據
該土司稟詞輕開邊衅以上各節岑毓英當詳慎體察至該土司
等若再來請示卽諭以現在中國與英人尙未定議勿庸續訴也
將此由四百里諭令知之欽此 七月初二日周公德潤以節略
八條寄公商訂卽與法使畫押候勘先後電咨總理衙門北洋
大臣代奏 十一日會同馳奏會議開勘滇越界務大概情形
一摺附片奏張松林飭赴古州鎮署任所統防營歸岑毓英接

統又片奏朱洪章飭回鶴麗鎮本任又片奏派員往上海香港
購運銅帽洋槍又片奏商號墊解餉悉繳庫平與給息銀按
月計算作正報銷 十三日法官達魯倪恩會同道員葉廷眷
等各出水路駛上往勘龍膊河地段二十日法船至者蘭爲越
人截殺燬船一隻法兵死者十四人餘船退回保勝葉廷眷等
聞警亦退回河口 二十二日馳摺奏滇省餉源益竭協解不
及一成開單懇請嚴催附片奏催收米捐以一成爲委紳薪水
又片奏瘴故遊擊董祥等十三員請卹又片奏秋隆會議要求
情形又附奏中法會勘龍膊河法船於者蘭被越人截殺受傷
情形又片奏盡達土司刀思鴻詐居官貪暴請革職令土族刀

恩必治護理印務 法使狄隆懲者蘭之變來請按圖定界公會同周公德潤電奏請

八月二十一日具摺奏武定直隸州知州興祿請補廣南府知府附片奏法使請按圖定界情形又片奏派員招撫緬甯邊界裸黑山頭目石朝鳳等又摺奏知府黃金銜請補麗江府知府九月初三日會奏陳覆滇省竊迫異常並無存儲款項實在情形一摺又會奏道員葉廷眷隨勘邊界受瘴病故懇

恩優卹一摺附片奏瘴故總兵蕭太和等十八員請卹 周公德潤偕法使狄隆校對界圖竣事狄隆定於月間赴粵議以圖說資送公營畫押 二十一日具奏撤弁王明魁 意圖滋擾越界拏

說正法一摺附片奏中法使臣會校界圖業將竣事俟遞營畫押會奏又片奏道員許繼衡委署迤西道又片奏藩司龐際雲因病出缺臣署日行公事委署藩司史念祖代行代拆又片奏知府余澤春仍照原保改獎十月初七日張公凱嵩薨於任十四日馳摺奏撫臣因病出缺請

旨迅賜簡放並陳明界務已定臣擬回省兼顧西防電由李鴻章代奏請

旨飭遵附片奏瘴故都司張耀龍等五員請卹又附奏道員岑毓寶隨同勘界事竣銷差又具奏貴州紳士具呈已故原任貴州巡撫林肇元功績在黔請援案開復處分據情籲懇

天恩一摺又奏查明已革知縣鄧炳堯京控情詞並無實據 十五

日奉到電寄初四日

諭旨李鴻章奏據岑毓英電稱界圖校畢現已畫押惟疾尚未愈殊
深厯系岑毓英著暫行回省調理以示體恤其界務防務未盡事
宜仍著妥籌辦理一俟稍痊再行前往欽此 十六日專摺奏遵
旨回省調理叩謝

天恩附片奏中書科中書葉乃翰隨其父葉廷眷來滇勘界相繼瘴
故請一併議卹 二十七日公自防營起程回省 十一月初
五日臨安途次奉到電寄十月二十三日

諭旨雲南巡撫著岑毓英兼署等因欽此 十一日還抵省署接受

巡撫關防 十五日具摺奏報回省兼署撫篆日期叩謝

天恩附片奏祿勸縣水災查賑又摺奏巡南道陳廷珍因病出缺附片奏昭通鎮總兵何雄輝飭赴本任又片奏蓋達土司屬夷匪滋事檄飭總兵丁槐馳往勦撫又片奏委唐啟蔭代理巡南道篆 二十五日奏參黑井提舉蕭培基積欠鹽課薪本銀兩請革職追繳附片奏阿陋井火災借給柴本以示體卹又摺奏蒼山洱海龍神靈應籲懇

收用封號附片奏陳席珍委署糧儲道又片奏彌渡土民捐建昭忠祠請列入祀典 二十八日具奏遵

至明滇省本年被災各屬分別賑恤來春毋庸接濟一摺又奏查

湖廣省勸捐情形據實覆陳一摺又摺奏歲修雲陽洞工經費
仍提程庫閒款實用實銷 是月東川土匪張學義勾結川蠻
遊匪報仇殺掠已故武鄉楊威宗家屬死者七人因撥村寨四
出滋擾署知府全林續帶兵團馳往查辦旋撲滅之 蓋達夷
匪亦爲總兵丁槐等擊破斬匪首小胖戶弄吼等土司屬地肅
清 十二月初二日馳奏官軍撲滅蓋達土司所屬夷匪地方
肅清一摺附片奏探聞緬甸情形又片奏裁撤前設儲材館又
摺奏湯聘珍請補巡南道 十七日馳奏東川匪徒勾結川蠻
竄踞村寨經派兵團勦滅地方安靖一摺附片奏委勘昆明縣
屬被霜災田畝又片奏飭東川府暫行添募土勇駐防上中江

以衛商旅又片奏裁撤前設五金局又摺奏清獲遺失筆碼請
開復委員翎頂 二十日具奏陣亡記名提督楊玉科請於雲
南大理府城廣西鎮南關

賞准建立專祠列入祀典以彰忠藎一摺附片奏提還銅本銀三萬
七千餘兩 是月十五十七十八等日公赴校場閱視省標六
營暨駐省戰兵操演陣式

光緒十三年公五十九歲

正月二十四日具摺奏校閱省標六營暨駐省戰兵冬操一摺
附片奏恩安縣屬水災查明蠲緩錢糧又摺奏審結雲南省城
兵練互毆一案又摺奏滇省海防捐輸第七卯彙案請獎專摺

奏恭謝年終

恩賞

二月初二日具奏滇省餉需支絀繕單請

旨敕部嚴催一摺附片奏廣東前代滇省借餉受累請緩咨催舊餉以示區別又附奏緬越紛擾未定邊防不能疏懈又招奏雲南文開簾所各官酌定員數並添設外收掌官一員懇請立案附片奏瘴故副將張有福等二十三員請卹又片奏顏雲芳請以副將補用 雲南安設電線公飭地方官採辦桿料派員協同北洋委員李必昌戚宣懷等於上年十一月十五日由蒙自開工安線至月之初七日至可渡河與四川電線接合 二十一

日具摺奏川滇電線接合工成請

奏章程 三月初三日具奏總兵

於雲南普洱鶴麗兩鎮中對調一缺又片奏營伍嚴操槍礮酌
定賞罰又摺奏雲南土藥隨同百貨抽釐未便設局加稅附片
奏七起二批京銅起運日期 二十一日具奏查明虧欠正襟
錢糧各官分別勒限追繳附片奏四川籌解滇餉道員文天駿
等請予獎敘又摺奏滇省第八卯海防捐輸彙案請獎 是月
二十三日貴州畢節縣民折毀電桿打搶報局公派總兵吳永
安協同李必昌馳往查辦 四月初一日督辦雲南礦務巡撫
銜唐公炯至滇 初四日具奏貴州畢節縣民毀搶電報分局

派員查辦一摺附片奏馬忠楊國發委署普洱鶴麗兩鎮篆務
二十日具奏招撫探黑頭目就緒請給予土職並陳明探匪
張秉權已死其子張登發相繼爲惡擬秋涼派兵勦辦一摺又
具奏滇省光緒七年正月起至六月止七月起至十二月止善
後支銷各款兩摺附片奏江蘇協餉留購軍械請免督撫藩司
置議 閏四月初四日具摺奏滇鹽煎銷均絀實難依限啟徵
疎款又摺奏滇省第九卯海防捐輸彙案請獎附片奏臨元鎮
新設戰守兵糧餉照例出藩糧兩署支領又片奏瘴故都司楊
文彬等十一員請卹又片奏唐焜抵滇所有開礦鑄錢事宜自
當協心商辦 十一日具奏並照部駁另行揀選並華熙請補

迪南道員缺一摺又摺奏鄒馨德請補黑鹽井提舉 二十一日具奏滇餉奇絀擬提借糧道庫添支一摺附片奏撥還司庫借用銅本銀兩又片奏趙州棍徒鄭富訛明正法又片奏遵

旨察看雲南提督黃武賢迪東道崇緒各員分別覆陳 是日雲南巡撫譚公鈞培抵任公交卸兼署巡撫關防 五月初六日具摺奏滇省光緒八年正月初一起至六月底止善後支銷各款附片奏派員招募土勇分紮黑要隘以備進剿又代奏調補雲南普洱鎮總兵覃修綱叩謝

天恩 二十二日公長子春榮生子德純 二十八日具摺奏結查辦畢節縣民毀搶電報分局一案又附奏雲南學政戴鴻慈遵

其故父戴其芬遺命捐雲南普濟堂經費銀一千兩請予建坊
又附奏陣亡從九品任蕙請卹又代奏調補四川川北鎮總兵
鄧榮升恭謝

天恩并陳明籲懇

陛見 黑蠻箠箕力甫之弟箠箕滋角復渡江竄擾二十七日江防
兵團攻破寇巢擒斬箠箕滋角 三十日奉到初十日

諭旨中法續訂界務商務條約已令總理各國事務衙門王大臣與
法使恭思當畫押所有條約照會各件不日由總理衙門咨行該
督撫查照辦理滇省界務周德潤與法使狄隆會勘時意見未合
歸入請示者兩段此次定議經總理衙門與周德潤按圖面商據

稱猛梭猛賴一段荒涼瘴癘棄之不足惜岑毓英所見相同至我所必爭者南丹山以北馬白關以南其中山川險峻田疇沃美如能劃歸中國既可固我疆圉亦可兼收地利當經總理各國事務王大臣與法使恭思當反駁辯論將猛梭猛賴一段准歸越界其南丹山以北西至狗頭寨東至清水河一帶地方均歸中國管轄約計收回各地段不下方四百餘里此事煞費唇舌始克就我範圍所有各該處界址應照約按圖由地方官會同駐越之法員中畫清楚設立界牌其餘善後各事宜屯田應如何興辦防兵應如何分戍該督撫務當詳細籌商次第經理界務既定卽須接辦商務岑毓英前奏布置邊防摺內有蒙自爲通商要津之語現准蒙

自設立領事開辦通商正相脗合至蠻耗係保勝至蒙自水道必
出之路准其分設領事屬員與中國分設之稅司互相稽察現經
議定蒙自設立領事官時必於數月之前先期照會以便駐紮關
道安設稅司粵省以龍州開關請設太平歸順道一員駐紮該處雲
南事同一律著該督撫趁此尚未開辦之時悉心布置奏明辦理
至滇之土藥釐金向來徵收甚微現定每百斤稅釐各收銀二十
兩必須完過釐銀後方准法商完稅接買將來於課項亦有裨益
總之界務商務總理各國事務王大臣所定條約舉其大綱此外節
目周詳施行盡利全在該督撫隨時規畫用人得當一切慎之於
始免致別生枝節是爲至要將此由五百里各諭令知之欽此

六月十三日會摺馳奏遵

旨覆陳籌辦滇省界務商務防務情形附片奏蒙自設關無益商務
有礙防務擬請先於蠻耗試辦又片奏請添設關道撥轄臨安
開化廣南三府又片奏改建昭通府屬鐵鎖橋 廣南土寇王
潮義等竄踞皈朝檄派文武兵團撲滅之 七月初二日會摺
馳奏官軍剿除黑蠻匪首簸箕滋角又摺奏滇省報銷冊籍繁
多恐驛遞失誤擬請差弁解京 十三日會摺奏報銷滇省光
緒八年七月初一日起至十二月底止善後邊防支銷各款銀
數附片奏雲南提督黃武賢休致新授提督馮子材到任需時
揀委開化鎮總兵蔡標署理提篆又片奏展緩辦理軍政又摺奏

順甯府知府周範調補普洱府知府 二十二日公次子春煦生子德新 公督率官紳籌捐款項建置省城昭忠祠敬節堂產業又重建城南常樂寺風脈塔忠愛碧雞金馬三坊先後興工於是月告成公親往閱視 八月初二日會摺奏查明各省欠解協餉開單懇請

勅催又具奏滇省昭忠祠敬節堂置產生息奏明立案附片奏新建鋪房收租添資通省及昆明士子會試卷金又片奏劍川紳士李應舉趙藩等籌建劍川昭忠貞烈兩祠及忠義總坊請列入祀典 十三十六等日公分派將弁帶兵由省開拔進剿猓黑夷寇 十七日會同奏廣南土富州匪徒滋事已派兵團勦辦

平靖 二十七日會摺馳奏懲勦猺黑夷匪派員管理糧餉支
發照章支給薪水又摺奏保獎隨辦界務出力人員 九月初
四日具摺保薦吳永安楊國發二員 二十五日會摺奏揀調
大理府知府桂霖請補雲南府知府又奏官軍撲滅盞達夷匪
擇尤保獎附片奏巧家江防出力員弁請獎又附奏瘴故參將
鄒繼雲等十四員請卹 是月提督黃武賢總兵蔡標均來省
交代提篆公旋派蔡標督辦猺黑軍務在籍知府李光翰辦理
營務由省西上 十月初八日會摺奏猺匪負固擬令署提
蔡標親往督勦起程日期附片奏黃武賢交卸提篆起程回籍
又片奏貴州歸化營遊擊蔡興國調隨署提 臣蔡標軍營差遣

又招奏雲南新設臨安開廣道員兼管關務一切事宜詳議具
奏 十月初四五六等日西路官軍連破猓黑寇壘進次大蚌
江邊 初十至十五等日南路官軍破寇渡江會合西路盡掃
寇寨寇併聚囤控壩卡大等各巢 二十日會招奏報銷滇省
光緒九年分善後邊防支銷銀數附片奏西路官軍勦辦猓匪
疊勝大概情形 十一月初三日會招馳奏官軍分道進勦猓
匪連獲大勝收復張逆所踞地方十分之七附片奏委李必昌
協辦猓黑營務 官軍於十月十六日攻破囤控寇巢壩卡旋
下深入大等招撫降夷搜捕渠魁於月之初三初六等日先後
擒獲首逆張登發並逆族張懷良張秉意寇酋楊定國等正法

崇示猱黑六山夷境一律肅清 武定州屬夷目魯占高滋事
派記名提督吳永安帶兵勦辦於初九日擒占高父子解省訊
明正法 二十一日馳奏官軍攻破猱黑賊巢擒斬首逆地方
肅清現籌善後一摺又奏本內遺漏要字自行檢舉一摺又摺
奏招募土勇支給薪餉起止日期又摺奏查明部駁保獎文職
各員分別開單改獎 十二月十五日會摺奏請將滇省電線
與廣西南甯接通並擬自騰越廳至雲南省城添接一線以通
西南邊報附片奏滇省借墊軍餉銀六萬兩請由四川籌還
又摺奏據員陳燦請補順甯府知府附片奏擬設官茶局情形
是日公赴校場閱視冬操 二十日具摺奏校閱冬操會摺

奏官軍勦捕古黑滋事夷匪擒斬首犯魯占高地方肅清又摺
奏駐邊粵勇仍請加給鹽菜米糧 是年公復捐廉籌款增建
省城昭忠祠修葺西山廣龍神祠又以

文廟奎星閣形家議其過飾庀材改建增高於舊者丈許

岑襄勤公年譜卷十

戊光緒十四年公六十歲

正月二十五日專摺奏謝年終

恩賞又摺奏道員許繼衡請補迪南道缺附片奏道員翁壽鏞歷署
各任措施裕如又片奏鶴慶州紳士李毓煊之母李施氏等捐
助敬節堂經費銀二千兩請予建坊又片奏邊防續報傷亡瘡
故弁勇二千四十名請卹又摺奏久病未愈懇

恩開缺回籍醫調奉

旨著賞假四箇月毋庸開缺欽此 二月初十日馳摺奏木戛寨滋
事土匪業經派標黑凱撤之兵就近協同普洱防兵勦辦肅清

附片奏委鹽法道湯聘珍候補道鄧在鋪會辦營務又片奏保
獎湖南籌餉出力司道孫翼謀但湘良又摺奏鎮省防緝出力
人員擬請三年保獎一次 十四日奉到

上諭岑毓英等奏官軍攻破猓黑賊巢擒獲首逆並籌辦善後一摺
雲南順甯府邊境猓黑夷匪叛服靡常屢爲邊患經岑毓英等調
派官軍分道進剿地方一律肅清辦理甚爲妥速岑毓英前得降
二級留任處分著加恩開復其猓黑地方應如何添設文武員弁
扼要管轄之處著該督撫酌度情形妥議具奏等因欽此 十七
日摺奏滇省舊設五成戰兵現擬抽調三成編管操練並裁併
粵勇添設土勇附片奏瘴故記名提督楊春林等十一員請卹

又摺奏叩謝

天恩開復處分 二十二日摺奏遵

旨添設雲南省城至騰越電線請提用北洋購存四川物料附片奏
前設雲南電線借撥滬關出使經費銀八萬兩請

敕北洋作正報銷又摺奏叩謝

天恩本中漏字免其議處 二十八日奉到

上諭三載考績爲國家激揚大典中外滿漢諸臣有能職守恪共勞
勩最著者允宜特加甄敘以示優眷雲貴總督岑毓英盡心民事
緩輯嚴疆殫竭盡忱不辭勞瘁著交部從優議敘等因欽此 三
月十五日摺奏邊防緊要擬將武職敘補章程稍爲變通以儲

將材而重防務附奏派兵駐防車里土司又片奏臨安開廣道
湯壽銘飭赴新任又摺奏京察議敘謝

恩

四月十六日會摺奏遵議猓黑地方建設城署先行委員署理
責成籌辦善後附奏揀員先委新設鎮邊廳同知參將等缺員
弁又奏滇省籌議河工用款情形一摺附片奏猓黑夷目李先
春請給土千總職銜又片奏刊給臨安開廣道木質關防先行
啟用又附奏副將楊發貴更正保案 二十七日會摺奏揀員
卹馨蘭請補永昌府知府附片奏昆陽州知州吳裕昆苛歛錢
糧請革職永不敘用又片奏迴避道員鄧在鐸暫行留滇差遣
五月公長于戶部郎中春榮三于工部主事春澤報效海軍

經費海軍衙門奏獎初七日奉

皇太后懿旨春榮著發往山西以道員卽用岑春澤著以卽中歸
本部卽補欽此 十七日具奏輪應查閱雲南營伍擬請秋後出
省一摺附片奏陳亡守備包文煊等六員請卹 二十五日公
六十生日奉

旨賜壽由軍機處咨交到

御書綬圻錫祐匾額一面

御書福壽字各一方梵銅相一尊紫檀嵌玉如意一柄蟒袍一件吉
綢八件湯綢八件 滇黔官紳軍民踴堂稱觥有勛德介福圖
冊之獻 六月初八日公五子春莫道粵西鄉試 十一日會

奏揀員請補巧家廳同知元江直隸州知州二摺附片奏停止
開辦普洱官茶局又片奏署提督蔡標養子遊擊蔡興國請准
復姓歸宗 十九日專摺奏舊疾稍痊勉力銷假視事又摺奏
揀員韋勛承請補臚越廳同知 二十八日會摺奏官軍勦平
猓黑及木戛寨案內出力文武員弁開單請獎又摺奏報銷滇
省光緒十年分善後邊防支銷銀數附片奏保雲南司道曾紀
鳳鄧華熙湯聘珍松林鄧在鏞又片奏保署雲南提督蔡標又
片奏保四川道員夏崑又片奏保升任貴州藩司史念祖又奏
保廣西降補知府李必昌留滇補用同知郝映奎二片 七月
十一日專摺奏叩謝

天恩賞岑春榮道員岑春澤郎中 十八日會摺奏察看知府彭澤
春尙堪勝任又摺奏留防禦黑練勇照戰兵支給月餉奏咨立
案 八月初一日公五子春賁生子德安 十四日具摺奏報
出省查閱營伍起程日期附片奏元江州屬土匪楊發昌等滋
事派副將馬維騏帶兵馳往勦撫 十八日公自省啟行至安
甯州途中風雨驟寒觸發舊疾言語惛恍舉動需人留一日醫
調二十一日至祿豐縣疾未見瘥隨行僚屬及沿途文武力勸
公節勞旋省疏請展緩公以受

恩深重義當盡瘁仍力疾進發行程改尖爲宿病勢時減時增迄不
能愈 二十六日至楚雄府留駐調攝 九月初二日閱視楚

雄協營 初三日具摺奏出巡巡西營伍中途疾作勉力前進
查閱情形 初四日發楚雄 十五日至大理府城 二十一
二兩日閱視提標大理城守各營暨鶴麗維西永北劍川等鎮
協營 十月初一二兩日閱視調集永騰順雲龍陵各營千總
以上員弁其把總以下弁兵委員前往點閱 永昌府屬孟定
土知府罕忠邦灣甸土知州景玉金鎮康土知州刁閏錦圖騰
越廳屬干崖宣撫司刁盈廷南甸宣撫司刁定國等偕來見公
勉以綏輯土民慎固邊圉遣回轄境 初六日具摺奏查閱巡
西營伍事竣起程回省日喀文摺奏雲南臨安府屬納樓土族
普應昌聚眾滋事現經知府全標統率剿辦正法 是日公

自大理啟行旋省 二十二日還抵省署 十一月初二日代
奏藩司曾紀鳳親老呈請開缺回籍終養一摺附片奏曾紀鳳
器識深厚心細才長滇省正需助理可否暫緩開缺又片奏同
抵省城疾未痊愈迤東南各營伍屢緩明春出關 十二月初
八日公赴校場閱視省標六營及武定澂江各營官兵冬操
公五子春冀聞公弗豫兼程星馳還滇侍養 初九初十三
十四十五等日校閱各營官弁 十九日具奏查閱省標六營
及武定澂江等營冬操一摺又奏川省大解協滇月餉請嚴催
補解附片奏保記名提督吳永安 是月公連日出閱營伍感
受風寒疾復大作 是年公纂輯西林岑氏族譜十卷以夏四

月銀板成書 東漢舞陰壯侯君然公墓在成都華陽縣治東南三十四里東甯寺側歲久稍圯公捐俸千金畀四川族人遊擊成元修墓置田歲時祭享復撰立墓碑 宋知永甯軍事趙山公賓州墓厯年數百碑碣無存他姓藏骸侵及兆域公以丙子辰祭怒焉心傷議資以遷因循十稔弗從且訟至丙戌得地方官理喻法禁始徙如約塋臺廓清公再出俸修葺買置祭田立碑紀之

光緒十五年公六十一歲

正月二十二日專摺奏恭謝年終

恩賞又摺奏入春病勢增劇懇懇

天恩賞假醫調奉

恩賞假兩箇月欽此 是日內閣奉

慈禧端佑康頤昭豫莊誠皇太后懿旨各省封疆大吏均爲國家倚
任之臣其久歷戎旃懋建殊勛熟諳輶輶賢勞尤著現任提鎮諸
臣類皆起自行閒洊膺專閫各該文武大員爲國家勤勞歷久不
懈現在歸政伊邇允宜分別沛恩大學士直隸總督李鴻章著賞
用紫纁兩江總督曾國荃雲貴總督岑毓英均著賞加太子太保
銜等因欽此 三月初三日會摺奏蒙自設開事宜預籌妥辦情
形又奏雲南九龍池等五處龍神顯應請

勅加封號並

又奏弟毓寶補授福建鹽法道叩謝

附片奏署鎮邊直隸同知王德誥瘴故請卹又摺奏邊防續報
陣亡瘴故文武員弁兵勇七十七員名開單請卹 十九日奏
揀員先請借補新設鎮邊營參將要缺一摺附片奏蒙自開開
經費先由藩庫撥借又摺奏舊疾漸痊勉力銷假視事附片奏
請展緩巡閱遼東南營伍 公疾入春增劇故請假醫調於拜
摺之日起扣假期節勞靜攝藥餌見效諸患日瘳然心思不能
久用起居尙異常時聖醫皆謂宜續假調理方可復元公以欽
奉

皇太后懿旨賞加太子太保銜而弟毓寶子春榮春煊

春榮春煊
更著

升除一門之內渥被

恩施恭值

皇上親裁大政滇黔邊要時塵

聖懷出揣精神勉可指撐不敢不竭效桑榆以圖報稱遂力疾如期

蒞假 四月初三日會摺奏遵

旨查辦元江夷匪滋事情形又奏揀員請補新設鎮邊要缺同知附
片奏鎮邊廳南柵夷匪勾結野狝狁滋事勦辦略定又專摺叩

謝

天恩又准奏新投鶴麗鎮總兵吳永安謝

恩 初十日招奏滇省餉需奇絀請

勅部速催各省新舊欠餉附片奏法國領事官業已入滇稅務司已
由粵起程又奏遵

旨安插越南投奔滇境難民一招奏言越南土著與兩粵流寓
各難民在法人視為亂氓驟除不遺餘力在中國同為赤子膜
視殊覺難安且從前出師越南曾與聯絡以弭敵勢不無微勞
勢迫來投亦難峻拒查投入邊境者計分三股今遵籌安插才
文持一股於臨安邊外之茨通壩湯宗政練中和一股於開化
邊外之河口魏名高一股於普洱邊外鄰近南掌之大筆山三
處皆令該管文武前往編查丁口酌給屯墾收其烏桕漆補營
勇有家可歸者分別資遣同籍以期保全一流民地方即少一

盜賊於防務商務皆有裨益又片奏鶴麗鎮總兵吳永安調署
普洱鎮篆又片奏遊擊韋雲青請免騎射又片奏瘴故參將侯
應賢等十三員請卹 是月法蘭西領事官彌樂石自保勝至
蒙自申請照約開關通商並餽時辰表後膛槍公申明約章卻
其餽物彌樂石旋向關道要索給法人遊歷各廠護照公執不
予復與譚公鈞培唐公炯商電總理各國事務衙門謂礦廠爲
滇人性命不可使外人窺利源奪生計致生衅隙凡數百言

五月初二日奉

上諭岑毓英等奏龍神顯應請加封號並頒匾額一摺雲南省城九
龍池龍神附近之西山龍神黑龍潭龍神邵甸龍神海源寺龍神

夙著靈應上年夏間本年春間該省雨澤愆期該督撫等虔誠祈禱屢沛甘霖著發去御書匾額各一方交督撫祇領敬謹懸掛至所請勅加封號之處著禮部議奏欽此 初四日公家宴趙藩與焉公強以酒意甚眷眷酬酢笑語如平常而自謂精神疲茶勉自摺挂苦不耐久坐也 初六日公晨起核閱公牘畢隨接見僚屬朝餐後假寐片晌起而入厠感冒風邪疾復大作歸寢室數臥吐服藥臥止偃息榻上晚餐少許夜尤喘嗽初七日凌晨食蓮子半碗服藥數劑午進燕窩粥數匙至申酉之間病勢益篤趙藩入候疾公伏枕促治遺疏連稱受

皇太后

皇上厚恩他生矢報語不及私公五子春冀侍側欲稟請返囑而公
自病起每語輒喘喘輒汗涔涔下故茹痛不敢以請急進履茸
大劑迄無效至初八日卯刻公喘止而鼻端玉柱下垂迺薨
譚公鈞培電奏以

聞並代呈遺摺

上軫悼

諭曰雲貴總督岑毓英秉性公忠才識沈毅由諸生從事戎行咸豐
同治年間雲南回匪倡亂兵事孔殷仰荷

先朝特達之知迭加拔擢代理雲南藩司旋即簡授巡撫當兵單餉
絀之時激勵衆心出奇制勝克復省城肅清大理等府堵穴擒渠

全通歷定厥功甚偉迭經賞給騎都尉世職並改爲一等輕車都尉世職朕御極後擢任雲貴總督整頓地方操練營伍均能實心任事光緒九年統兵出關卓著勞勩復加賞一雲騎尉世職該督久駐邊關染瘴成病上年查閱營伍途次觸發舊病迭次賞假調理本年四月力疾銷差方冀醫治就痊長資倚畀遽聞溘逝軫惜殊深岑毓英著加恩晉贈太子太傅入祀賢良祠並於雲南省建立專祠生平政績事實宣付國史館立傳賞銀一千兩治喪由雲南藩庫給發照總督例賜卹任內一切處分悉予開復應得卹典該衙門查例具奏靈柩回籍時沿途地方官妥爲照料伊子山西卽用道岑春榮著遇有道員缺出請旨簡放候選同知岑春煦著

以知府選用應升之缺升用前工部郎中岑春煊著以五品京堂候補監生岑春葵著俟服闋後由吏部帶領引見岑春蔭並伊孫岑德純著俟及歲時帶領引見用示篤念盡臣至意欽此未幾閣臣擬謚上請

予謚襄勤 譚公鈞培旋兼署總督疏陳公功績尤詳盡奉

諭宣付史館欽此 貴州巡撫潘公爵尋疏陳公功德在黔請於貴州省城建立專祠奉

旨著照所請該部知道欽此 公季弟毓琦長子春榮次子春煦三子春煊先後聞訃馳至十月扶柩回籍 光緒十六年二月十八日公之喪抵桂林省城閏二月十四日公子春榮等葬公於

臨桂縣城東堯山之高高嶺與江夫人合墓公生時所命也

光緒十七年廣西巡撫馬公丕瑤奏泗城府凌雲西隆西林三

州縣紳士王績寬等聯名稟稱已故督臣岑毓英辦團保境功

在桑梓請於三州縣捐建專祠列入祀典一摺奉

硃批著照所請禮部知道欽此 公天性孝友事鶴亭公謝太夫人

先意承志惟恐失當而尤得劉太夫人歡心愛諸弟妹最篤家
庭雍睦無間言微時師友死綏將士歲時必存問其家餽貽從
厚孺僚孤子附爲婚姻待如骨肉訓課諸子以身爲教每言讀
書立品親賢遠佞勿以驕矜損德勿以玩愒曠功居家則以孝
友爲本而推及於敬宗收族服官則以勤廉爲本而行之以酌

理準情惟能愛名斯能保身惟不辱先斯不負國聞者以爲名言生平不溺於聲色撙節麴蘖之好在軍在官校牘治事率昧爽起夜分乃寢疾病寒暑不改常度喜接見士大夫所至田野耆老苗粟首目見輒不拒閒或資以酒食諮訪地方利病故下情不隔設施鮮齟齬者爲學大旨主於析理致用經史而外亦旁涉孫吳兵法觀其大意不事章句藻績軍旅倥傯政務殷煩章奏書檄幕僚具草手自核定時有點竄多中窾要其存者爲批論奏疏六十卷書牘二十卷諸子與門人復輯公遺詩一卷遺文二卷

右 先嚴年譜十卷壬辰秋趙君樾村編次於都門時兄弟輩同在都中以行蹤未卜欲鐫板而弗果遂各繕清本分藏之以俟諸異日旋於癸巳奉分守河朔之

命忽忽五六年矣公餘敬檢藏稿展讀輒懼或有散遺負罪益深因取是編詳校而付諸剞劂俾世世子孫咸曉然於

君恩之隆重 先德之貽謀所以垂裕後昆者胥在於是而勉繼家聲於弗墜是則兢兢焉而不能自己者也他如奏疏書牘及詩文等集卷帙繁衆俟校竣付梓肯光緒己亥夏五男春榮謹誌於河朔使署